

Na osnovu člana 6. stav (2) tačka 2) Zakona o internoj reviziji u javnom sektoru u Federaciji Bosne i Hercegovine („Službene novine Federacije BiH“, br. 47/08 i 101/16), a u vezi sa članom 9. Pravilnika o uslovima za obavljanje poslova interne revizije u javnom sektoru u Federaciji („Službene novine Federacije BiH, br. 95/15, 48/17 i 31/22), Federalno ministarstvo finansija-financija objavljuje

JAVNI POZIV

za iskazivanje interesa za učešće u Stručnoj komisiji Federalnog ministarstva finansija-financija za provođenje postupka certifikacije internih revizora u javnom sektoru u Federaciji Bosne i Hercegovine

Komisiju za provođenje postupka certifikacije internih revizora za javni sektor čine predsjednik i četiri člana, koje imenuje federalni ministar finansija na period od godinu dana iz reda osoba sa iskustvom i znanjem iz pojedinačnih područja Programa utvrđenim Pravilnikom o uslovima za obavljanje poslova interne revizije u javnom sektoru u Federaciji („Službene novine Federacije BiH, br. 95/15, 48/17 i 31/22).

Prema članu 11. Pravilnika o uslovima za obavljanje poslova interne revizije u javnom sektoru u Federaciji, Komisija je odgovorna za:

- a) zakonito provođenje ispita za stjecanje zvanja interni revizor za javni sektor,
- b) donošenje Poslovnika o radu Komisije,
- c) pripremu poziva za polaganje ispita za stjecanje zvanja interni revizor za javni sektor,
- d) vođenje evidencije o prijavljenim kandidatima i provjeru formalne ispravnosti prijave,
- e) organizaciju i koordinaciju logistike za polaganje ispita,
- f) izradu ispitnih pitanja,
- g) provođenje (organizaciju i nadzor) polaganja ispita,
- h) vršenje pregleda i ocjenjivanje ispitnih testova,
- i) izradu zapisnika o provedenom ispitnom postupku i ostvarenim rezultatima.

Zainteresovana lica koja žele ostvariti učešće u Stručnoj komisiji Federalnog ministarstva-finansija-financija, trebaju ispunjavati sljedeće opće uslove:

- da su državljani Bosne i Hercegovine,
- da imaju završen VSS - VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa Bolonjskog sistema studiranja ekonomske ili pravne struke,
- da imaju najmanje 10 godina radnog iskustva u struci nakon stjecanja VSS.

Prednost će imati kandidati koji pored općih uslova ispunjavaju i neke od sljedećih dodatnih uslova:

- posjedovanje akademskog zvanja,

- posjedovanje certifikata internog revizora za javni sektor i/ili certifikata ovlaštenog revizora,
- objavljeni stručni radovi,
- predavačko iskustvo,
- posjedovanje specijalističkih znanja iz oblasti finansijskog upravljanja i kontrole i interne revizije.


Uz pisanu prijavu potrebno je priložiti (original ili ovjerena kopija):

1. Diplomu o stečenoj stručnoj spremi,
2. Potvrdu o radnom iskustvu uz opis poslova,
3. Biografiju (CV)
4. Dokaze o ispunjavanju dodatnih uslova.

Pisanu prijavu, zajedno sa biografijom i dokazima o ispunjavanju općih i dodatnih uslova, zainteresovana lica trebaju dostaviti najkasnije **do 31.01.2024. godine** na adresu: Federalno ministarstvo finansija-financija, ul. Mehmeda Spahe br. 5, 71 000 Sarajevo, sa naznakom „Prijava za učešće u Stručnoj komisiji Federalnog ministarstva finansija-financija za provođenje postupka certifikacije internih revizora u javnom sektoru u Federaciji Bosne i Hercegovine – ne otvarati“.

Lica koja ispunjavaju uslove iz ovog poziva, u cilju predmetnog angažmana biće uvrštena u evidenciju Centralne harmonizacijske jedinice Federalnog ministarstva finansija-financija, sačinjenu u svrhu izgradnje i razvoja kapaciteta interne revizije u javnom sektoru u Federaciji.

Broj: 10-11-7-1- 9778/23
Sarajevo, 26.12.2023. godine



MINISTAR
Tomislav Kraljević